

Termet e Referencës

Ekspert/Lehtësues për Trajnim

Organizata	HANDIKOS(Shoqata e Paraplegjikëve dhe e Paralizës së Fëmijëve të Kosovës)
Projekti:	Handikos for Child Rights- H4CR
Zbatohet nga:	HANDIKOS
Mbështetur nga:	Save The Children
Qëllimi i Angazhimit	Trajnim “Avokimi për të drejtat e Fëmijëve”
Vendi	Prishtinë, Kosovë
Data e publikimit	8 Gusht 2023
Data e pritur e angazhimit	29-30 Gusht 2023
Kontakti	handikos@handi-kos.org

1. HYRJE

HANDIKOS, “Shoqata e paraplegjikëve dhe paralizës së fëmijëve të Kosovës” është krijuar si reagim ndaj gjendjes së vështirë në të cilën gjenden personat me aftësi të kufizuara në Kosovë, e themeluar nga dhe për personat me aftësi të kufizuara, me aktivitete të pandërprera që nga viti 1983.

Si organizatë përfaqëson, përkrahë dhe punon për dhe me personat me aftësi të kufizuara përmes avokimit dhe lobimit. Ofron shërbime të ndryshme përmes rrjetit të shtrirë në gjithë Kosovën dhe promovon barabarësinë, jetën e pavarur dhe me dinjitet për të gjithë personat me aftësi të kufizuara.

HANDIKOS në partneritet me Save the Children është duke implementuar projektin “Handikos for Child Rights- H4CR”, i cili financohet nga Agjencia Suedeze për Bashkëpunim Ndërkombëtar dhe Zhvillim (SIDA). Përmes këtij projekti HANDIKOS synon ngritjen e kapaciteteve dhe fuqizimin e fëmijëve me Aftësi të Kufizuara.

2. OBJEKTIVA E DETYRËS

Qëllimi i përgjithshëm i ekspertit do të jetë zhvillimi i përmbajtjes së programit të trajnimit 2-ditor dhe ofrimi i trajnimit mbi **“Avokimin për të drejtat e Fëmijëve”** për HANDIKOS – Grupin “Hëna”, gjatë muajit Gusht të vitit 2023.

3. FUSHËVEPRIMI

Zhvillimi i programit të trajnimit dhe mbajtja e trajnimit për Grupin e fëmijëve dhe të rinjve “Hëna”:

- Aftësimin e anëtarëve të grupit “Hëna” për “Avokimin rreth të drejtave të fëmijëve”;

- Programi i Trajnimit do të drejtohet nga eksperti në koordinim të ngushtë me ekipin e projektit të HANDIKOS dhe koordinatorin e grupit “Hëna”.

Eksperti do të jetë përgjegjës për ndërmarrjen e detyrave vijuese:

- Zhvillimi i programit dhe metodologjisë trajnuese 2-ditore për trajnimin lidhur me “Avokimin për të drejtat e Fëmijëve” me fokus për natyrën e punëve të OJQ-ve dhe të drejtave të fëmijëve dhe të rinjve me aftësi të kufizuara.
- Lehtëson dhe mban trajnimin siç është rënë dakord me ekipin e projektit të HANDIKOS dhe partnerë të projektit.
- Të bashkëpunojë me ekipin e Projektit për të vendosur objektivin, metodologjinë dhe përmbajtjen.
- Përgatit materialet /prezantimet/ në përputhje me moshën e pjesëmarrësve.
- Përgatit raportin e trajnimit.

4. METODAT DHE MJETET

Metodat e mëposhtme mund të përdoren për të përfunduar detyrat e përmendura më lart dhe për të përmbushur qëllimin siç përcaktohet nga kjo ToR.

1. Takime konsultative me HANDIKOS dhe ekipin e Projektit;
2. Trajnim (2 ditë) për Modulin “Avokimi për të drejtat e Fëmijëve” për përfaqësuesit e fëmijëve nga grupi “Hëna”;
3. Dokumente (punë përgatitore);
4. Prezantimi;

5. SHKATHTËSITË, PËRVOJA DHE KUALIFIKIMET PËR EKSPERTIN

Kandidati duhet të posedoj këto aftësi dhe kompetenca:

- Të paktën të jetë i/e diplomuar në shkencë sociale, menaxhim, zhvillim organizativ ose fusha të ngjashme;
- Përvojë e gjerë në organizimin/mbajtjen e trajnimeve në fushën e avokimit për nevoja të OJQ;
- Njohuri lidhur me planet e avokimit me fokus në të drejtat e fëmijëve;
- Demonstron përvojë të mëparshme për detyra të ngjashme;
- Aftësi të mira komunikimi me fëmijët dhe të rinjtë;
- Komunikim i shkëlqyeshëm në të folur dhe shkruar në gjuhën shqipe dhe angleze;
- Ndërgjegjësimi kulturor dhe ndjeshmëria ndaj çështjes së aftësisë së kufizuar;

6. KOHËZGJATJA E DETYRËS

Kohëzgjatja e detyrës planifikohet të jetë jo më shumë se 2 ditë trajnimi dhe të përfundojë gjatë periudhës Gusht 2023 (bazuar në marrëveshje të ndërsjellë).

7. MATERIALI PËR DETYRËN

Eksperti do të punojë ngushtë me ekipin e projektit të HANDIKOS. Të gjitha materialet do t'i dorëzohen ekipit të Projektit të HANDIKOS në datën siç është rënë dakord reciprokisht gjatë takimit fillestar. Raportet do të rishikohen nga HANDIKOS dhe partnerët e Projektit. Të gjitha projekt-dokumentet do të dorëzohen në forma elektronike ndërsa produktet përfundimtare do të dorëzohen në formë elektronike dhe kopjet e shtypura.

Eksperti duhet të paraqesë materialet kryesore të mëposhtme:

- Agjenda e trajnimit;
- Përmbajtja e programit në përputhje me moshën e anëtarëve të grupit “Hëna”(pjesëmarrësve);
- Prezantimi PowerPoint ose llojet e tjera të mjeteve që përdoren për qëllimin e trajnimit;
- Doracakë/manuale ose material tjetër për pjesëmarrësit;
- Raporti i vlerësimit të trajnimit nga këndvështrimi i ekspertit;

8. BUXHETI PËR TRAJNIM

Buxheti për ekspertin në kuadër të këtij aktiviteti është planifikuar të jetë 150,00 Euro në ditë. Pagesa do të bëhet pas dorëzimit të Raportit të Trajnimit! Departamenti i Financave do të zvogëlojë kontributet tatimore dhe pensionale bazuar në legjislacionin tatimor të Kosovës.

9. DATAT TENTATIVE DHE VENDI

Datat tentative: 29-30 Gusht 2023 (bazuar në marrëveshje reciproke)
Vendi: Qendra e Resurseve të HandiKOS, Veternik, Prishtinë

10. PROCEDURA PËR APLIKIM

Eksperti duhet të paraqesë dokumentet e përmendura më poshtë deri në orën 17:00, të datës 21 Gusht 2023.

- CV e përditësuar (Maksimumi 3 faqe)
- Një letër motivimi dhe informacione kontakti.
- Koncepti i trajnimit/metodologjia.

Ju lutem, shkruani në subjekt Aplikimi për Trajnimin “Avokimi për të drejtat e Fëmijëve”
Dokumentet duhet të dorëzohen vetëm në formën elektronike në adresën: handikos@handi-kos.org
cc: nora.simitciu@handi-kos.org

Vetëm kandidatët e listës së ngushtë do të kontaktohen.